

Дарсанн кӀул: Глагол. Глаголин асул форма. Глаголин наклоненйир ва вахтар.

1. Глаголиан гъахру дарсарин уьмуми къайда.
2. Глаголин жюрбежюр формйир.
3. Глаголин грамматикайин лишнар.

Табасаран чӀалнан грамматикайиан вуйи темйирикан урхурайидариз варитӀан читинуб глагол ву. Глагол аьгью апӀруган алабхъурайи жафа му темайин гъалинвалилан ва дидин жюрбежюр грамматикайин жюрйир гизаф айивалилан асиллу шула.

Гъаму тема аьгью апӀруган ухъу глаголин чиб-чпихъди аьлакьалу вуйи грамматикайин асул лишнарихъди - вахтарин, классарин, къадарарин, спряженейин ва жара категорйириин расламиш шулхъа. Глаголин категорйирин сабдихъдира аьлакьалувал адарди, чиб жаради (кӀул'инди) хъпаз лигну ва чпи мялум апӀурайи предметдин (касдин) гъяракат ва гъял лишанлу вуди улупуз даршули хъпаз лигну, дурарин мяна, метлеб ва гъацира тяриф тувуб урхурайидариз читинди алабхъуру.

МитӀланра гъайри, глаголин бязи грамматикайин категорйир -наклоненйир, улдучӀвру ва улдудучӀвру формйир, касарна къадарар - гизаф мянйир айидар ву. Урхурайидар тамам вуди глаголин грамматикайин вари жюрйирихъди таниш апӀуб, му жюрйир дикъатниинди аьгью апӀуб ва предложенейий глагол дабгну, дидин гъякънаан мялуматар тувуз аьгью апӀуб мялимдин асас вазифа ву.

Глаголин гъякънаан уьмуми гъаврикк ккауб. УлдучӀвру, улдудучӀвру ва къялан жюрейин глаголар.

Глаголи прилагательнойиси предметдин лишан улупуру. Эгер прилагательнойи предметдин ери ва тялукъ`вал улупуруш, глаголи предметдин айи гъял ва гъяракат улупуру. Глагол, чак предметдин гъяракатар вая дурар айи гъял улупру гафар кахърайи, кӀул'инди вуйи чӀалнан пайназ кӀуру.

Глагол вартӀан чӀатху ва метлеблу чӀалнан паярикан саб ву. Предложенейий глагол жюрбежюр член вуди шулушра, думу гизафси сказуемое вуди шулу ва сказуемойиз хас вуйи грамматикайин лишнар хас вуди шулу: наклонение, вахт, кас, класс ва къадар.

Чпи грамматикайин мянайиз лигну вари глаголар шубуб йишв'ина пай шула:

улдучІвру, улдудучІвру ва кьялан жюрейин.

УлдучІвру глаголари гьяракат чайна алабхъурайи объект (ччвур падеждиъ айи дополнение) ккун апІуру.

Месела: Асиятди халачи убхура.

Асиятди гьяпІра?-убхура. Убхура фу?-халачи (ччв.п.).

УлдучІвру глаголар, аьдат вуди, шубуб составнан предложенйириъ шулу.

УлдудучІвру глаголари улупурайи гьяракат жара предметдиина дишди алабхъудар ва дурарихъ объект хъапІуз шулдар.

Месела: Наржигъан дахъна. Думу кетІерццна.

Дахъуб, ктІерццуб, гъюб, лицуб, ипІуб ва гъ.ж.- улдудучІвру глаголар ву.

Саб жерге глаголар аки, дурар чпин мянайиз лигну, гагъ улдучІврудар, гагъ улдудучІврудар вуди шулу.

Месела: Душман йикІура (улдудучІвру гл.). Ихъ эскри душман йикІура (улдубчІвру гл.).

Глаголин эгъемият

Темайиан сабпи дарснаъ урхурайидар глаголин гьякънаан вуйи уьмуми мялуматарихъди, текстнан материал разбор апІувалиин биналамиш духъну, тажрубайи улупурайиганси, таниш гъапІиш, гъам мялимдиз, гъамсана урхурайидариз гъюзимбу темйирин зиин лихбаъ читинвал алабхъурдар. Текстнан материал разбор апІбан асас метлеб - дидиъ глаголар агуб, ва дурарин гьякънаан урхурайидари чпиз аьгъю мялуматар ктитуб ву. Му метлеб тамам апІбан бадали мялимди тахминан текстнан зиин класедиъ ляхин гъабхуб лазим шулу.

Текстнахъди урхурайидар таниш апІбалан кьяляхъ, мушваъ айи вари глаголар шубуб дундиъ дикІуб теклиф апІуру. Гъамциб илчІихуб тамам апІбан натижайиъ, чІалнан имбу паярин гьякънаан вуйи урхурайидарин аьгъюваларин дережара фициб вуш, учителиз мялум шулу. Му глаголарин вахтаризна аьхирариз лигури, глаголин касар аьгъю апІуру ва гафнан состав текрар шулу, месела:

Гъамусдин вахт

ялгъ. къ.

1-пи кас *лих-ур-аза,*

2-пи кас *лих-ур-ава,*

гизаф къ.

лих-ур-ача (-ахъа),

лих-ур-ачва,

3-пи кас *лих-ур-а;* *лих-ур-а;*

Ккудубшу вахт

1-пи кас	2-пи кас	3-пи кас
<i>гъилихунза</i>	<i>гъилихунва</i>	<i>гъилихну ...</i>

Гъюзимбу вахт

лих-иди-за, лих-иди-ва, лих-иди, лих-иди-ча (-хъа), лих-иди-чва, лих-иди;
Бик1бан ляхнар ккудук1балан къяляхъ мялимди плакатдиан мелзналан вуйи гъерхбар гъахуру, дарс текрар апуру. Дарс суаларинна жавабарин къайдайинди к1ули гъабхуру.

Магъа тахминан вуйи суалар:

1. Ч1алнан фициб пайназ глагол к1уру? (Текстнаан месэлийр йипай ва дураp кади предложенийр дюзмиш ап1инай).
2. Глаголиз швнуб вахт а? (Текстнаъ гъамусдин, ккудубшу ва гъюзимбу вахтарин глаголар агай).
3. Касариз дилигну глагол фици дигиш шулу? (глаголарин аьхирари фу мялум апураш, йипай).
4. Предложениеий глагол фуну член вуди ишлетмиш шулу? (Текстнаан улупай).
5. Глагол существительнойихъди фици дархъру? (Меселйир мелзналан йипай, дураpин арайиъ шлу аьлакъа улупай).

Глаголин асул (вахт мялум дару) форма

Школайин тажрубайиъ глаголин вахт асул форма, глагол предложениемий грамматикайин формйириз дигиш хъайиз, дидин ккебгъру, башламиш шлу форма вуди гъисаб апура. Му жюрейин тасдикъ апувал дюз дар.

Табасаран ч1алнан вари глаголар асул формайикан дюзмиш духънайдар ву, к1уру, фикир ва тасдикъ апувалар гъалат1 ву, гъаз гъапиш гъаму форма учв глаголикан арайиз дуфнайи существительное ву. Ихъ ч1алнаъ думу существительноеси падежариз ва къадарариз дигиш шулу.

Глаголин наклоненийр ва вахтар

Глаголин гъяракатнан гъякънаан улхурайирин фикир фициб вуш улупурайи формайиз **наклонение** к1уру.

Табасаран ч1алнаъ глаголиз юкъуб наклонение а: *хабар тувбан, гъерхбан,*

шартІнан ва амур апІбан.

Гъарсаб наклонениеийи глагол вахтариз, касариз жа-жара саягъниинди дигиш шулу. Гъарсаб наклонениеийи вахтарин къадарра жараб ву. Хабар тувбан наклонениеийи глаголариз шубуб вахт а: **гъамусдин, гъюзимбу** ва **гъубшу (ккудубшу) вахт**. Глаголин гъамусдин вахт саб ву. Гъюзимбу вахтнан жюрйир шубуб ву: якъин вуйи (лихиди), якъин дару (лихур) ва уьмуми гъюзимбу вахт (лихуру).

Гъубшу вахтнан жюрйир ургуб ву: а) къюб ккудубкІу гъубшу вахтар (1. гъапІну 2. гъапІу); къюб улихъди ккудушу вахтар (1. дапІна 2. дапІнайи); в) къюб давамлу гъушу вахтар (1. апІурай 2. апІуйи); г) улихъди ккудубшу вахт саб форма ву (дапІна).

Хабар тувбан наклонениеийи айи вахтар касариз ва къадариз дигиш шулу.

Гъерхбан наклонение

Гъерхбан наклонениеийин гъякънаан улхру вахтна, учители баяр-шубариз вартІан сифте гъаму наклонениеийин эгъемият ачухъ апІуру ва хъасин глаголин гъерхбан наклонение арайиз гъюбан къайдйир улупуру.

Мялум вуйиганси, глаголин гъерхбан наклонениеийин формйир хабар тувбан наклонениеийин формйирихъ -н, -йин аьхирар хъаьбиинди арайиз гъюру, месела: *улхура - улхурайин?*, *гъулхну - гъулхнийин*, *улхиди - улхидин?* ва гъ. ж.

Гъерхбан наклонение глаголин вари вахтарикан арайиз хуз шулу.

Гъерхбан наклонение жарасира арайиз хуз шулу -кІан хъапІри, месела: *дапІнайин?* - *дапІнайкІан?* *Гъюрайин?* - *гъюрайкІан?* ва гъ. ж.

ШартІнан наклонениеийин формйир хабар тувбан наклонениеийин формйирихъ -ш аьхир хъапІбиинди арайиз гъюру, месела, *гъюра-гъюраш*, *гъиди- гъидиш*, *гъафну-гъафнуш* ва гъ. ж.

Глаголар разбор апІбан чешне.

1.Чалнан пай (глагол).

2.Асул форма.

3.Глаголин грамматикайин мяна.

4.Морфологияйин лишнар: улдучІвру, улдудучІвру ва къялан жюрейин глаголар, гл. наклонение, вахт, класс, кас, къадар, спряжение.

5.Глаголин синтаксисдин роль.

6.Фициб суалназ жаваб тувру.

Чешне: *Ич гъуншдин ху Алабаш дабхъна.*

Дабхъна (*гъапгуб?* *дабхъуб*) – глагол, уддудубчІвру гл., хабар тувбан
наклонение, гъамусдин вахт, къанажагъсуз кл., 3-пи кас, ялгъ. къ., актив спряжение,
предложенияйиъ кІулин член сказуемое ву, гъапІра кІуру суалназ жаваб тувра.